
Fra: fmhopostmottak@fylkesmannen.no
Sendt: 31. august 2017 10:42
Til: postmottak@kvam.kommune.no; Postmottak Meland;
postmottak@sveio.kommune.no;
postmottak@bomlo.kommune.no; post@kvinnherad.kommune.no;
postmottak@oygarden.kommune.no; Post Austrheim;
landbruk@bergen.kommune.no; fitjar@fitjar.kommune.no;
postmottak@os-ho.kommune.no;
postmottak@eidfjord.kommune.no; Postmottak Lindås; Post
Masfjorden kommune; post@tysnes.kommune.no;
post@etne.kommune.no; Postmottak Modalen;
post@odda.kommune.no; postmottak@samnanger.kommune.no;
Postmottak Austevoll; postmottak@granvin.kommune.no;
post@jondal.kommune.no; post@stord.kommune.no;
postmottak@bergen.kommune.no; Postmottak Fedje;
postmottak@fjell.kommune.no; postkasse@fusa.kommune.no;
postmottak@ullensvang.herad.no; postmottak@ulvik.kommune.no;
postmottak@voss.kommune.no; postmottak@askoy.kommune.no;
Post Osterøy; Postmottak Radøy; postmottak@sund.kommune.no;
Postmottak Vaksdal
Kopi: fmho@fylkesmannen.no
Emne: Dreneringstilskot, SMIL, RMP og Erstatning avlingssvikt

Følgjande e-post blei også sendt direkte til sakshandsamarar 29. august:

Til kommunane i Hordaland - landbruksforvaltinga

Tilskot til drenering av jordbruksjord - presisering om handsaming av søknader som er sendt inn før 1. juli 2017

Vi viser til tidlegare informasjon frå oss om handsaming av søknader om tilskot til drenering som er sendt inn før 1. juli:

Informasjonen var i nettsak og i brev av 11. august med tittel « Informasjon om endringar som følgje av jordbruksavtalen 2017».

Sjå i tillegg følgjande presisering frå Landbruksdirektoratet:

«Presisering om behandling av søknader som er sendt inn før 1. juli 2017: I tilfeller hvor søkeren trekker gammel søknad og søker på nytt, og kommunen fatter nytt vedtak om tilskudd, må kommunen inndra tidligere innvilget tilskudd i Saturn og registrere ny søknad i Saturn (nytt saldokort). I tillegg til endret tilskuddssum, blir det ny arbeidsfrist. I mellomtiden kan også planene ha blitt endret. Foruten god forvaltningsskikk og ryddig saksbehandling, vil denne praksisen bidra til å sikre korrekte statistikkopplysninger. Det er altså ikke anledning til å registrere tilleggssøknader i slike tilfeller.»

SMIL-tilskot

Kommunar som enno ikkje har sendt SMIL tiltaksstrategi til Fylkesmannen må levere dette med det første. Ny frist er 31. oktober. Kommunar som ikkje har SMIL-strategi for 2018 vil ikkje få tildelt SMIL-midlar for 2018 når vi lagar budsjett i november, jmf forventnings- og tildelingsbrev 2017 frå oss, datert 8. mars.

I brev frå oss om endringar etter jordbruksavtalen er det elles lagt vekt på svartelista artar og hydrotekniske tiltak. Vi vil peike på at det ikkje er høve til å gi SMIL-tilskot til vanleg drenering. SMIL kan til dømes bli brukt til hydrotekniske tiltak for å hindre erosjon, for å ta vare på biologisk mangfald og for restaurering av kulturminne knytt til vatn.

Kontakt ang rapportering av løyving/utbetaling: Nina Andersen

Kontakt ang fag/regelverk/strategi: Øyvind Vatshelle

E-posten vil snarleg òg bli sendt til postmottak i kommunen.

Med venleg helsing

Øyvind Vatshelle
seniorrådgjevar

Fylkesmannen i Hordaland
landbruksavdelinga
tlf: 55 57 21 78

www.fylkesmannen.no/Hordaland

[Abonner på nyhende frå Fylkesmannen](#)

[Send melding til Fylkesmannen](#)

Fra: Vatshelle, Øyvind

Sendt: fredag 18. august 2017 15.02

Til:

Emne: Dreneringstilskot - Gjødsling RMP - Avlingssvikt grovfôr

Hei! Her kjem tips og påminning om nokre aktuelle tema. Hugs også å abonnere på nyhende frå nettsida vår.

Dreneringstilskot

Satsen er dobla, sjå nettsak. Hugs også at kommunen må melde Fylkesmannen om behov for ekstra tilskotsmidlar, jmf brev frå oss om endringar etter jordbruksforhandlingane.

Kontakt ang rapportering av løyving/utbetaling: Nina Andersen

Kontakt ang fag/regelverk: Øyvind Vatshelle

Utsatt frist for miljøvennleg gjødsling i RMP

Fristen er utsett. Gjeld også miljøavtale elvemusling, sjå nettsak.

Kontakt ang søknad/teknisk/utbetaling: Sonja Ramsvik og Silje Lyhammer

Kontakt ang fag/regelverk: Øyvind Vatshelle

Erstatning etter avlingssvikt

Sommaren har vore våt og mange har hatt vanskar med å få graset i hus. Vi har fått spørsmål om erstatningsordninga for avlingssvikt i grovfôr kan vere aktuell å bruke. Sjå nettsak. Litt utfyllande info:

Erstatningsordninga for grovfôr har gjerne blitt oppfatta som noko tungvindt. Ordninga har no fått ny berekningsmåte, så vi har lite erfaring med kva arbeid som ligg i søknaden og kva ein kan venta å få ut av det. Det må vere meir enn 30 % avlingssnedgang for å få erstatning. Mange vil difor falle utanfor erstatningsordninga. Dersom nokre meiner at dei har større tap, kan dei prøve å søkje om erstatning dersom dei ønskjer. Når tapet berre er litt meir enn 30%, vil erstatninga bli lita. Erstatninga er meint å vere ein buffer i krisesituasjon. Dei som veit at dei har så store tap at det er krise, bør i alle fall søkje. At haustinga skjer mykje seinare enn ønskjeleg og med dårleg kvalitet som resultat er ikkje grunnlag for erstatning.

For bonden er utfylling av skjema truleg enklare enn før. Det er *ikkje* lenger detaljert registrering av dyretal, mjølkeproduksjon, beitetider og areal innmarksbeite for mange år. Det er likevel ikkje heilt slik at ein berre «kan telje rundballar og samanlikne med kor mykje ein pleier å hauste». Nokre av dei litt meir krevjande opplysningane som søkjaren må skaffe til søknaden er til dømes:

- * snittvekt på årets rundballar, vekt på overlagra grovfôr, detaljert info om kjøp og sal av grovfôr.

- * tal dyr som har beita på, eller fått fôr frå fulldyrka / overflatedyrka areal i år, og tal dagar (merk at dette ikkje lenger gjeld bruk av innmarksbeite).

Ein kan sjå søknadsskjemaet [her](#), men alle bør bli tilrådd å [søkje elektronisk via Altinn](#).

Avlinga i skadeåret blir framleis vurdert i høve til kva som er normal avling på føretaket. Tidlegare blei «normalen» berekna på grunnlag av kor mange dyr og kor stor produksjon ein hadde, og dermed kva fôrbehov ein måtte rekne med at blei produsert på garden - korrigert for kjøp og sal. No er det eit standard avlingsnivå definert i rundskrivet som blir rekna som «normalen», og dette må bli korrigert ut frå drift og vekst på staden.

For oss i forvaltinga er erstatningsordninga for grovfôr truleg meir komplisert og tidkrevjande enn tidlegare. Vi må til dømes:

- I større grad gjere gode skjønnsmessige vurderingar av kva som kan vere forventa avlingsnivå på kvart føretak, til dømes gjødsling, tal slåttar, alder på enga, jordkvalitet og høgd over havet.
- Vurdere kor stor del av skaden som skuldast andre tilhøve, til dømes jordpakking, dårleg drenering og mekaniseringsliner som er lite tilpassa det klimaet ein må kunne forvente.

Desse vurderingane får vi finne ut av undervegs for kvar søknad. Rundskrivet inneheld mykje nyttig informasjon.

Vi håper at det blir tilhøve for å få inn andreslåttten etter kvart!

Med venleg helsing

Øyvind Vatshelle
Seniorrådgjevar

Fylkesmannen i Hordaland
Landbruksavdelinga
Telefon: 55 57 21 78
<http://www.fylkesmannen.no/Hordaland/>
[Abonner på nyhende frå Fylkesmannen](#)